

# Насабий асабанинг турлари



14:21 / 04 ноябрь 662

(биринчи мақола)

Насабий асабалар меросда асосий ҳисобланиб, улар уч турга бўлинади:

- Асаба бин-нафс** (ўзи асаба бўлиш);
- Асаба бил-ғойр** (биров туфайли асаба бўлиш);
- Асаба маъал-ғойр** (биров билан бирга асаба бўлиш).

Асаба калимаси ҳеч қандай қайдларсиз, мутлақ ишлатилса, биринчи турдаги асаба тушунилади. Иккинчи ёки учинчи турдаги асабалар ҳар доим «Асаба бил-ғойр» ёки «асаба маъал-ғойр» деган қайд билан келтирилади. Иншааллоҳ, бу турларниң ҳар бирининг ҳукмини тафсилоти билан келтирамиз.

## 1. Асаба бин-нафс (ўзи асаба бўлиш)

Асаба бин-нафс марҳумгача бўлган насабида аёл киши бўлмаган ўғил болага айтилиб, бунинг қуйидаги тўртта жиҳати бор:

- Бунувват** (ўғиллик): марҳумниң ўғиллари, сўнг уларниң ўғиллари (ўғилниң ўғли, яъни невара, эвара, чевара) ва ҳоказолар.
- Убувват** (оталик): марҳумниң отаси, сахих бобоси (отанинг отаси, унинг ҳам отаси) ва ҳоказолар.

г) Ухувват (ака-укалиқ): туғишиңган ака-укалар, сүнгра ота бир ака-укалар, кейин туғишиңган ака-укаларнинг ўғли, сүнгра ота бир ака-укаларнинг ўғли ва ҳоказо. Ухувват (ака-укалиқ) жиҳати туғишиңган ака-укалар, ота бир ака-укалар ва уларнинг ўғиллари билан чегараланади. Аммо она бир ака-укалар она билан боғлангани учун асаба бўла олмайди, улар фарз эгаси ҳисобланади.

г) **Умумат** (амакилик): туғишиңган амаки, ота бир амаки, туғишиңган амакининг ўғли ва ота бир амакининг ўғли ва ҳоказо.

Ушбу жиҳатлар мартабаси мана шу тартибда бўлади. Бунувват жиҳати убувват жиҳатидан, убувват жиҳати ухувват жиҳатидан муқаддам бўлади ва ҳоказо.

**Асаба бин-нафснинг** (ўзи асаба бўлишнинг) **ҳукми**. Аввалги дарсларимизда асаба бин-нафснинг тўрт жиҳати борлигини билдиқ. Мерос ушбу тўрт жиҳатнинг ўртасида юқоридаги тартибга кўра бўлинади. Агар улардан биттаси бор бўлса, мероснинг барчасини ўша олади. Ёки фарз эгалари ўз улушларини олгандан кейин ортиб қолган мероснинг барчасини олади. Агар фарз эгаларига тақсимлаганди мерос тугаб қолса, асабага ҳеч нарса тегмайди.

Мисол учун, бир аёл вафот этиб, ортидан эр, туғишиңган сингил, ота бир ака қолган бўлса, эрга ярим тегиб, туғишиңган сингилга ҳам ярим тегади.

Натижада ота бир акага ҳеч нарса қолмайди, чунки фарз эгалари (эр ва туғишиңган сингил) тариканинг барчасини олиб қўйишиди.

Агар «асаба бин-нафс»лар бир нечта бўлишса, улар ўртасидаги устунлик қўйидаги тартибда бўлади:

**1. Жиҳатдаги устунлик.** Агар «асаба бин-нафс»лар бир нечта бўлишса, жиҳат устунлиги олдин туради. Шунда бунувват (ўғиллик) жиҳати бошқа жиҳатлардан олдинда туради, марҳумнинг ўғиллари молнинг ҳаммасини ёки фарз эгалари ўз улушларини олиб бўлишгач, қолган молнинг ҳаммасини олишади. Агар ўғиллар бўлмаса, уларнинг ўғиллари олишади, қанча пастласалар ҳам, чунки улар оталари ўрнидадир.

Агар бир киши вафот этиб, ортидан ўғил, ота ва туғишиңган ака қолган бўлса, бу ўринда асаба ўғил бўлади, чунки бунувват (ўғиллик) жиҳати бошқа жиҳатлардан кўра устун туради. Ота фарз соҳиби бўлади. Туғишиңган

акага ҳеч нарса тегмайди, чунки унинг жиҳати орқададир ва ҳоказо. Бу жиҳат юзасидан олдинда бўлиш ёки жиҳатдаги устунлик дейилади.

Аммо жиҳатдаги устунлик туғишган ака-укалар ёки ота бир ака-укалар бобо билан бирга бўлган пайтда ўтмай қолади. Уларнинг жиҳатлари оталик жиҳатидан кейин келса-да, лекин бобо билан бирга қолганлари учун кучли фикрга кўра мерос олишади. Бу Зайд ибн Собит розияллоҳу анхунинг мазҳабларидир. Бугунги кунда шаръий маҳкамаларда ҳам ушбу фикрга амал қилинади. Иншааллоҳ, бу хусусда бобонинг ака-укалар билан мерос олиши ҳақидаги баҳсда сўз юритамиз.

**2. Даражадаги устунлик.** «Асаба бин-нафс»лар бир нечта бўлиб, уларнинг жиҳатлари ҳам баробар бўлиб қолса, улар ўртасида устунлик даража билан белгиланади. Қайси бирлари марҳумга яқинроқ даражада бўлса, ўша меросга ҳақдорроқ бўлади.

Масалан, бир киши вафот этиб, ортидан ўғли ва ўғлининг ўғли қолган бўлса, мероснинг барчаси ўғилга тегиб, ўғилнинг ўғлига ҳеч нарса қолмайди, чунки ўғилнинг даражаси набиранинг даражасидан кўра марҳумга яқинроқдир, шунинг учун асаба бўлади.

Яна шунингдек, бир киши вафот этиб, ортидан ота бир ака ва туғишган аканинг ўғли қолган. Булар ўртасидаги жиҳат (яъни ухувват (ака-укалиқ) жиҳати) бир хил бўлса-да, аммо қариндошлиқ даражалари ҳар хилдир. Ота бир аканинг даражаси туғишган ака ўғлининг даражасидан кўра марҳумга яқинроқдир. Бундай кўринишда мероснинг барчаси ота бир акага тегади. Буни даражага кўра олдинга қўйиш дейилади.

**3. Қариндошлиқ қувватидаги устунлик.** Агар «асаба бин-нафслар» жиҳатда ва даражада баробар бўлиб қолсалар, қариндошлиқ қувватидаги устунликка қаралади. Кимнинг қариндошлиқ қуввати кучли бўлса, ўша асаба бўлади. Мисол учун: бир киши вафот этиб, ортидан туғишган акаси, ота бир акаси қолган бўлса, мероснинг ҳаммаси туғишган акага берилади. Ота бир акага эса ҳеч нарса тегмайди. Туғишган аканинг ўғли ва ота бир аканинг ўғли қолган бўлса, мероснинг ҳаммаси туғишган аканинг ўғлига тегади. Шунингдек, туғишган амаки билан ота бир амаки қолган бўлса, туғишган амаки молнинг ҳаммасини олади. Ота бир амакига эса ҳеч нарса тегмайди. Ушбу муқаддамлик қариндошлиқ қувватида муқаддамлик дейилади. Шу ўринда баъзи нарсаларни мулоҳаза қилишимиз керак. Қариндошлиқ қувватидаги устунлик бунувват (фарзандлик) ва убувват (оталик) жиҳатида бўлмайди, балки бу ухувват (биродарлик) ва умумат

(амакилик) жиҳатида бўлади. Биз зикр қилиб ўтган жиҳат, даража ва қариндошлиқ қувватидаги устунлик мерос илмининг олими Жаъбарий келтирган қоидага бино қилингандир. У киши шундай деган:

*Жиҳат олдиндир, сўнгра яқинлик,  
Иккисидан кейин қувват муқаддам.*

### **Нима учун ўғил отадан муқаддам қўйилади?**

Агар «Ота билан ўғил марҳумга насаб ва қариндошлиқ жиҳатидан бир хил даражада - ўғил фаръ бўлса, ота аслдир. Бу иккиси марҳумга бир хил даражада боғланади. Шундай экан, ўғилни меросга асабалик қилишда отадан устун қўйиш қандай бўлади?! Айниқса, ўғилнинг ўғли отадан устун бўлмаслиги лойикроқ эмасми? Бу қандай бўлади?» деган савол туғилса, унга жавобан шундай дейилади: «Ўғилнинг жиҳати отанинг жиҳатидан муқаддамдир, чунки бунувват (фарзандлик) убувват (оталик) жиҳатидан олдин туради. Буни юқорида кўриб ўтдик. Бошқа тарафдан қараганда, аллома Зайлаъий бунинг сабабини нақлий ва аклий далиллар билан баён қилган. Ўғил асабаликда отадан кўра муқаддам туришга ҳақлироқ экани ғоятда дақиқ ва мукаммал келтирган».

**Нақлий далил.** Аллоҳ таоло марҳамат қиласи:

لَهُ كَانَ إِنْ تَرَكَ مِمَّا أَلْسَدْتُ مِنْهُمَا وَحِدَّ لِكُلِّ وَلَأَبْوَيْهِ

وَلَدٌ

**«Агар фарзанди бор бўлса, ундан қолган нарсадан ота-онасининг ҳар бирига олтидан бир» (Нисо сураси, 11-оят).**

Аллоҳ таоло отани бола билан бирга бўлганда фарз соҳиби қилмоқда. Ўғил бола учун эса улушнинг миқдорини белгиламай, балки қолган молнинг барчасини унга тайин қилмоқда. Шундан билинадики, ўғил бола асабаликда отадан кўра муқаддам туради. Ўғилнинг ўғли ўғил йўқлигида унинг мақомида бўлганлиги боис у ҳам асабаликда отадан устун туради.

**Ақлий далил.** Инсон одатда отасидан кўра фарзандини устун қўяди. Унга молини беради, унинг учун мол тўплайди.

لَاقْهُنْيَرْمَعْلِي لَقْبَنْصِي لَلْهُنْبَجْمَأْوَرْ .

Яъло Омирийдан ривоят қилинади:

«Набий соллаллоҳу алайҳи васаллам: «**Фарзанд – баҳиллик ва қўрқоқлик сабабчисидир**», деганлар» (*Ибн Можа ривоят қилган*).

Отанинг баҳил ва қўрқоқ бўлишида фарзанд асосий сабаблардандир. Инсон боласи учун фаровонликни хоҳлаб, бошқаларга эҳсон қилишдан баҳиллик қиласди. Жиҳод ёки ҳижратдан ҳам боласи сабабли тўсилади. Демак, фарзанд инсонга отасидан кўра яқинроқдир. Валлоҳу аълам.

Қоида: «Асаба бин-нафс» фақат эркаклардан бўлади. Ҳеч қандай ҳолатда аёллар «асаба бин-нафс» бўла олмайди. Фақат қул озод қилган аёлгина «асаба бин-нафс» бўлиши мумкин.

«Манзуматур-Роҳбия» муаллифи шундай дейди:

Аёллардан ҳеч қачон асаба бўлмас,

Фақат қул озод қилган аёл асаба.

Ушбу китоб Ўзбекистон Республикаси Дин ишлари бўйича қўмитанинг 2021 йил 24  
августдаги 03-07/5163-рақамли ҳамда 2022 йил 27 сентябрдаги 03-07/7348-рақамли  
хуносалари асосида тайёрланган.